

2019

AÑA DI FAMILIA
Y DI CUIDO DI NOS
MUCHANAN

ISLA(•)NLINE

Diaranson 15 Mei 2019

Email: prensa@arubagovernment.aw Tel: 528-4900

CU UNION Y PAS TIN
PROSPERIDAD



Isla Online

Noticia Di Gobierno



GOBIERNO DI ARUBA

Mei 2019



MINISTER EVELYN WEVER-CROES

Prome Minister di Aruba



GOBIERNO DI ARUBA

**15
MEI**

**DIA
INTERNACIONAL
DI FAMILIA**

Feliz dia di Famia

E famia ta e prome pilar di tur sociedad,
e luga na unda nos ta crece y wordo forma
como homber y muhenan.

E famia ta e prome instituto na unda nos
ta wordo educa y nos ta siña e balor y
principionan moral.

E famia ta e prome union na unda nos ta
siña stima otro y ta forma lasonan mas
profundo.

E famia ta e prome ambiente na unda un
muchu ta experimenta amor y ta crece cu
confiansa y siguridad den un mundo
demasiado agita.

E famia ta e espacio unda cu e vocacion di
sirbi otro, solidaridad cu otro,
responsabilidad un cu otro, tolerancia,
honestidad, respet y tur norma y balornan
ta wordo funda y inculca.

E famia ta e laso na unda cada un persona
ta central.

Prome Minister Evelyn Wever-Croes



Prome Minister Evelyn Wever-Croes:

Na Washington Prome Minister ta mira atras riba dos dia di trabou

SUMAMENTE INTENSO PERO TAMBE SUMAMENTE FRUCTIFERO Y POSITIVO

Prome Minister Evelyn Wever-Croes a expresa su satisfaccion con e reunionnan den conhuntito cu Embahador di Reino y Premier di Corsou Eugene Rhuggenaath, a bay dialuna y diamars na Washington. E mandatario a atende un total di 16 reunion cu e ta considera di tawata sumamente fructifero. Tres tema importante cu a wordo cubri ta: E situacion na Venezuela; Refineria; y Desaroyo Economico.

E SITUACION NA VENEZUELA:

Tocante e situacion na Venezuela y e situacion humanitario, e Premiernan a reuni cu; representante di USA International Development Agency (USAID), señora Bonnie Glick; cu representante di State Department sr. Elliott Abrams; Under Secretary di State Department señor David Hale; Secretario General di Organization for American States (OAS) señor Luis Almagro; Deputy National Security Advisor. Temanan trata tawata e crisis di Venezuela y e efecto cu esaki tin riba nos paisnan; e tema humanitario; tema di salud; tema di seguridad. Prome Minister a duna di conoce cu di e reunionnan aki a ricibi hopi informacion y palabracionnan importante a wordo haci con pa sigui den e tereno aki y unda di parti di administracion Mericano por yuda den e retonan aki.

REFINERIA:

E reunionnan pa atende cu e tema di refineria a tuma luga na State Department como tambe separadamente na OFAC y finalmente a reuni tambe cu Under Secretary of Treasury señor Sigal Mandelker riba e tema di licencia cu Citgo a haya recientemente. Aki Prome Minister ta indica cu a bin mas claridad riba e licencia aki cu internamente lo wordo discuti y analisa intensivamente prome cu defini e siguiente paso cu Gobierno lo tuma. Informacionnan nobo a wordo treci dilanti cu Gobierno no tawata tin prome. Tambe, a haya indicacion cu e informacionnan cu Citgo a duna no tawata completamente corecto.

“Mi kier tuma tempo pa internamente na un forma responsabel evalua tur informacion prome cu defini e siguiente pasonan. E bon noticia cu a sali afo ta cu si Aruba mes tuma over e refineria y especialmente e terminal, e ora lo no tin problema cu OFAC pa esaki. E problema di refineria nos no por a solucione ainda, pero nos ta riba e bon caminda si”, Prome Minister a enfatisa.

DESARROYO ECONOMICO:

Reunionnan cu Camara di Comercio na Merca y cu varios grupo di Banco Mundial (World Bank) pa yuda nos riba e tema di desaroyo economico di nos pais tambe tawata hopi fructifero. Prome Minister a presenta e vision economico cu Minister di Economia y Gobierno di Aruba a presenta recientemente. Ambos instituto a keda hopi interesa. A haci varios contacto pa sigui negosacionnan y pa hunto busca inversionistanan pa inverti den nos economianan di Aruba y Corsou.


Aparta tambe a reuni cu ‘Doing Business Team’ di Banco Mundial, cu tin un proyecto hopi interesante pa yuda paisnan haci nan sistema mas facil y agil. Esaki lo ta un gran beneficio



pa comerciantenan haci negoshi na Aruba. Pa lanta un negoshi y tur e burocracia con pa atende cu negoshi. Esaki na Aruba ta un reto cu ta wordo atendi cu n'e. A haci cierto palabracionnan tambe riba e topico aki.

Finalmente, a haci un bishita na congreso pa reuni cu algun miembro di congreso caminda a bolbe trece dilanti e efecto y impacto cu e crisis migratorio tin pa Aruba y Corsou. Comprension di parti di Congresistanan Mericano a wordo demostra pa cu e tema aki.

“Mi ta mira atras riba dos dia di trabou sumamente intenso pero tambe sumamente fructifero y positivo. Indudablemente e hecho cu nos a haci esaki hunto cu Corsou a duna mas forza tras di e informacion y preocupacionnan cu nos a trece padilanti. Esaki tambe a haci nos trabou en conhuntito na Washington mas exitoso”, Prome Minister Evelyn Wever-Croes a finalisa bisando.



MINISTER OTMAR ODUBER

Minister di Desaroyo Teritorial, Infraestructura y Medio Ambiente

DEPARTAMENTO DI NATURALES Y MEDIO AMBIENTE AWOR POR TA MAS ACTIVO CU DIFERENTE CONTROL

Diaranson mainta a otorga na miembronan di e team di Directie Natuur en Milieu (DNM), nan Landsbesluit pa loke ta "toezichthouding" riba diferente ley cu DNM ta traha cu ne!

E paso aki ta importante pasobra: Pa hopi aña DNM a keda cu 1 toezichthouder solamente cual a hacie hopi dificil pa controla y supervisa den diferente momento, awor e grupo ta bira 5 pues nan lo por funciona den forma mas eficiente na bienestar di naturalesa y medio ambiente!



E meta ta pa yega na balansa entre desaroyo y proteccion di medio ambiente

GOBIERNO ACTUAL TA PONE HOPI ESFUERSO Y ATENCION NA LEYNAN CU TA NA BENEFICIO DI NOS MEDIO AMBIENTE

Pa hopi aña e aspecto di bienestar di naturalesa y medio ambiente no a wordo poni como prioridad pa cual por mira e consecuencia di esaki. Un di e motibonan principal pa cual den Gobierno actual a pone e carteranan di infraestructura y medio ambiente hunto ta reconociendo cu trabounan mester wordo haci y pa por realisa e meta cu a poni pa crea e balansa entre desaroyo y proteccion di medio ambiente.

Minister di Desaroyo Teritorial, Infraestructura y Medio Ambiente Otmar Oduber ta pone hopi esfuerso den leyman nobo manera esun di Parke Marino, pero tambe e Ministerio ta poniendo hopi atencion riba leyman existente manera e Raad voor de Ruimtelijke Ontwikkeling (RRO) cu despues di 10 aña cu ya tabata existente, aworaki den un bachi nobo ta haciendo hopi trabou den cuadro di ROP y ROPv. Banda di esaki tin comision di Flora y Fauna cu tambe ta existi pa hopi aña pero cu no tabata mucho activo, aworaki tin un comision cu ta consisti di 5 experto cu ta sumamente activo. Ta intercambia pensamentonan, conseho y conocimiento den diferente situacion cu ta confronta cu ne rond Aruba.

Situacion di UTV's tin atencion di Gobierno

Ehempelnan recien den cual di consehonan pidi na e comision Flora y Fauna ta riba e tema di cobamento di santo y kibramento di piedra pa mira con ta bay atende cu e buraconan cu a keda rond Aruba.

Adicionalmente, recientemente Ministerio a acerca e comision Flora y Fauna tambe pa conseho riba e situacion sumamente lamentabel cu frecuentemente ta confronta cu ne, unda cu UTV nan ta core den areanan di naturalesa y e destruccion y daño cu esaki ta causa na nos medio ambiente / flora y fauna! Conhuntamente cu DTI lo bin cu un plan di con pa atende cu e situacion aki. E seguridad y legalidad di e vehiculonan aki ta cay bou DTI y e daño enorme causa ta falta di respet na nos medio ambiente, pa cual a acerca e comision di experto pa por yega ma un solucion mas pronto cu ta posibel!

Di e forma aki ta ilustra cu Ministerio trahando den forma structura, consistente y transparente cu departamentonan pa salvaguardia Aruba su naturalesa y medio ambiente.



MINISTER XIOMARA RUIZ-MADURO

Minister di Finansa, Asuntonan Economico y Cultura



Minister di Finansa,
Asuntonan Economico y Cultura



**DIA INTERNACIONAL
DI FAMILIA** 15 DI MEI 2019

Familia ta e pilar di un comunidad.
Stima y Cuida bo Familia

mr. Xiomara Ruiz - Maduro

Minister di Finansa, Asuntonan Economico y Cultura
mr. Xiomara Ruiz-Maduro ta recorda cu

GOBIERNO A PROLONGA E MORATORIO RIBA ESTABLECIMIENTO DI SUPERMERCADO NOBO CU DOS AÑA

Na fin di januari e aña aki Minister Xiomara a anuncia cu Gobierno a prolonga e moratorio riba establecimiento di supermercado (incluyendo minimarket) cu dos aña. E moratorio existente riba supermercado ta termina dia 23 di mei 2019 proximo y awor ta wordo prolonga te cu 23 di mei 2021. Esaki ta nifica cu pa e proximo dos añanan lo no duna permiso pa establece supermercado y/of minimarket nobo na Aruba.


E decision di Gobierno aki a bini a base di un estudio cu expertonan di Departamento di Asuntonan Economico (DEACI) a haci usando diferente metodologianan den e ultimo kwartaal di 2018 y asina a bin cu un recomendacion pa Gobierno.


E resultado ta cu tin un total di 187 supermercado (incluyendo minimarket) riba Aruba. Pa haña un mihor bista a usa Aruba su GIS (Geographical Information System) unda a parti nos Pais den region y zona y a haci un analisis di cuanto supermercado tin den cada region. E regionnan Oranjestad West y Oranjestad Oost tin cada uno 39 supermercado y ta e regionnan cu tin

mas tanto supermercado. Region di Noord y Tanki Leendert ta sigui cu un cantidad di 36 supermercado. Den e tabel adhunto por haya un bista di cuanto supermercado tin den cada region.

Tambe DEACI a haci un poll y un encuesta atraves di Facebook pa haya sa opinion di ciudadanonan pa sa kico nan ta pensa tocante cu si tin 'di mas' of 'di menos' supermercado den nan bario. Un total di 1.800 persona a participa di cual 94% a bisa cu nan kier menos supermercado riba Aruba. Den e encuesta haci, un di e resultado cu a sobresali ta cu 74.5% di e participantenan a indica cu no tin espacio pa mas supermercado den nan bario.

A base di e resultadonan di e estudionan haci, DEACI a recomenda Gobierno pa prolonga e moratorio riba supermercado cu dos aña mas te cu 23 di mei 2021. E resultado di e estudio ta disponible via e website di DEACI via www.deaci.aw/downloads.




 A portrait of Minister Andin Bikker, a man with short dark hair, wearing a light blue suit, white shirt, and dark tie. He is smiling and looking towards the camera. The background is a blurred blue and white architectural structure.

MINISTER ANDIN BIKKER

Minister di Husticia, Seguridad y Migracion

CUERPO DI BOMBERO TA BAY HAYA SU DI DOS CRASH TRUCK

Un avance importante a haci pa yega na un otro Crash Truck pa asina duna servicio na aeropuerto segun Minister di Husticia mr. Andin Bikker.

E Crash Truck ta uno special cu ta wordo uza pa cuerpo di bombero y ta un truck cu ta costa mas di 2 miyon florin. Segun e mandatario, pa logra e suma tabatin reto pa cumpra e truck aki y for di basta tempo ta haciendo esfuerzo maximo pa yega na e fondonan necesario. Minister Bikker ta hopi contento cu e apelacion cu a haci na Triple A, nan ta dispuesto abase propuesta yega na cooperacion cu nan pasobra ta importante yega na un Crash Truck adicional pa aeropuerto.

Di parti Minister di Husticia e ta hopi contento y satisfecho cu por a yega na un acuerdo y pronto por bay over na haci pedido di e di dos Crash Truck. Riba combinacion di foto por mira e prome Crash Truck cu Cuerpo di Bombero a haya aña pasa.



SITUACION DI ASILO TA DEMANDA HOPI ATENCION Y GOBIERNO TIN TUR ATENCION PE segun Minister di Husticia mr. Andin Bikker



Momento cu Gabinete Wever Croes a asumi responsabilidad gubernamental, a bin topa cu un situacion sin precedente segun Minister di Husticia mr. Andin Bikker. E situacion aki ta relaciona cu e cantidad di Venezolano cu ta drenta Aruba y pidi asilo. Segun e mandatario di Husticia, e tempo aya Aruba tabata haya un avarahe di uno of dos aplicacion di asilo pa aña pero ningun momento por a pensa cu e lo bay demanda hopi atencion.

Tempo cu Aruba a haya su Status Aparte na 1986 a forma parti di e tratado pa loke ta trata refugiado y na aña 2009 den toelatingsbesluit a bin cu un articulo 19 cu a tene cuenta cu e tratado aki. Mirando e situacion awor aki e tempo ey ningun persona of gobierno por a biba pensa cu ta bay tin un situacion di refugiado. Durante gobernacion den e temporada di Mei na 2018 e gobierno aki a haya su mes confronta y manera un rush, caminda

diferente persona den desesperacion a dicidi di bay aplica pa asilo. Door cu esaki tabata algo sin precedente a haci un estudio kico mester tuma luga y den e LTU a bin constata cu na 2011/ 2012 den Parlamento no a haci ningun cambio.

Na December 2018 Minister Bikker a bay Parlamento y a bin cu base huridico pa loke ta trata e parti di tratado internacional cu ta den articulo 20. Los di esey a bay over pa cambia e maneho pa adapta articulo 19 di toelatingsbesluit. Pa loke ta e tema di Venezuela esaki ta tumando hopi tempo mes. E situacion awor aki ta increibel, pasobra mester goberna pais Aruba pa retonan interno y na mesun momento mester atende cu un reto cu no ta di pais Aruba pero di un problema social hereda.

E situacion awor aki ta, cu e grupo di persona cu a bin cu boto ilegal nan a indica cu nan kier pidi asilo. Basa riba e tratado articulo 19 Hues Comisario a bisa si nan kier pidi asilo nan mester haya un meldplicht y no por deporta nan. E decision aki a causa hopi conmocion den comunidad segun Minister Bikker. No obstante esey ta haci separacion di poder y respeta e decision di corte, y cumpli cu esaki. Pero di biaha tambe urgentemente diasabra atardi a reuni cu e diferente departamentonan cu ta atende cu e problematica di asilo. Den e reunion a delinea kico ta e pasonan cu ta bay tuma den bista di esaki.

Na Hulanda tin un asina yama Schiphol model. Ora un persona yega na Schiphol y e pidi asilo, no ta asina facil pa e haya asilo,

pero ta tuma 28 dia maximo. E prome ocho dianan na ta screen si e persona tin derecho legitimo y merito pa pidi asilo. Segun Minister Bikker, awor aki ta observando si ta bay cu e Schiphol model pasobra a haya un hala di aplicacion desde Mei 2018 bin ariba unda centenares di persona a aplica pa asilo. E tratado ta bisa cu no por manda e personanan aki bek pa pais di procedencia pasobra e ora ta actuando contra e tratado pero mester bay den e proceso pa evalua nan peticion. Sinembargo por a bin ripara cu gran mayoria di e peticionnan aki, e personanan ta haciendo mal uzo di e proceso di tanto e asilo como e tratado.

Segun Minister Bikker, hopi di e ilegalnan aki, ora Guarda Nos Costa of polis haya nan ta traha diripiente nan ta pidi pa aplica pa asilo. Obviamente un persona cu for di 2016, 2017 ta ilegal na Aruba y na 2018 of 2019 e ta ser haya ta traha, diripiente e ta bin pensa cu e mester di e asilo. Cu ayudo di Hulanda na cuminsamento di e aña aki a train un grupo di 10 persona pa yega na un unidad di asilo. E grupo aki hasta den fin di siman nan ta traha pa procesa tur e aplicacionnan na un manera rapido y responsabel. Fuera di e procesamiento, constantemente mester reuni cu UNHCR, Cruz Cora Internacional y ora un mandatario di Hulanda bin Aruba e topico di Venezuela ta riba agenda grandemente.

Asilo politico di Venezolanonan constantemente ta demanda hopi atencion y gobierno tin tur atencion pe segun Minister Bikker.

PREVENCION

UN TRAFICO SIGUR!

TA PROHIBI

Pa maneha un vehiculo di motor sin un faha di seguridad.
Alaves ta prohibi
pa e pasahero sinta dilanti no haci uso di su faha di seguridad.

SERVICIO • INTEGRIDAD • SEGURIDAD

**EVITA UN MULTA INDESEA
E TA ANCRA DEN NOS LEY**

*articulo 45, lid 2 di LVR

Abo sa bo reglanan di trafico?

POLIS
Nos ta bo amigo.

MINISTER ARMANDO LAMPE

Minister di Enseñansa, Ciencia y Desaroyo Sostenibel

TERA

Poeta Frida Winklaar Domacassé (1938) ta cu vakantie na Aruba y a tuma e iniciativa pa bishita directora di Biblioteca Nacional Aruba pa entrega su ultimo publicacion titula 'Tera'. Esaki ta un obra di 11 poema na Hulandes y Papiamentu publica na 2018 di Frida Domacassé ilustra cu portet di Lineke Roseboom.

Frida Domacassé a nace na San Nicolas na 1938 di mayornan Boneireano y tin bunita recuerdo di un dushi infancia den un comunidad multicultural. Cu 16 aña el a bay studia na Hulanda pa docente y despues di su estudio el a keda biba y traha na Hulanda. Durante añanan el a keda bishita Aruba pa vakantie y tene contacto cu famia y amigonan. Cada bishita ta trece impresion cu Frida ta documenta pa medio di storia y poema. Frida a skirbi storia cortico y poesia pa hopi aña. 'Tera' no ta su prome publicacion, un otro publicacion por ehempel ta 'Na caminda'. Frida ta publica pa medio di su website www.gedichtentij.nl. Frida ta forma parti di Simia Literario, un grupo di autor y poeta na Hulanda. 2



ehemplar di 'Tera' lo bay den coleccion nacional na Dept. Arubiana.

Riba potret (vlnr): Lineke Roseboom, Astrid Britten y Frida Domacassé.

2019 | AÑA DI FAMILIA Y CUIDO DI MUCHANAN.

*Prioridad pa
Gobierno di Aruba
ta pa haci central
e cuido y desaroyo di
nos muchanan na
scol!*



EXCEPTIONAL WEDNESDAY: RICHARD TRIMON



University of Aruba

"All men dream, but not equally. Those who dream by night in the dusty recesses of their minds, wake in the day to find that it was vanity: but the dreamers of the day are dangerous men, for they may act on their dreams with open eyes, to make them possible."

~ T.E. Lawrence

Richard Trimon is half the man he used to be, because he's recently lost something quite significant. It wasn't his job. Richard is still happily employed at the University of Aruba's Office of Student Affairs, as he has been since 2010. It wasn't his relationship. His wife, Raymeline, is the love of his life and his biggest supporter. It wasn't his confidence - as a matter of fact, Richard's loss has boosted his self-esteem in a big way because he's, literally, half the man he used to be.

Richard has struggled with his weight during his whole life. Like a yo-yo, the numbers on his scale went up and down. The death of his beloved mother in 2016, cast the fragility of life in sharp relief for Richard. He started using his free time to do exercise and reflect on life. It's time he spends with the memory of his mom. The day of his exercise regime, Richard walked a 1.4 kilometer circuit around his neighborhood. Soon enough, 1.4 kilometers wasn't enough of a challenge so he doubled it. Then doubled it again. Then, he started to run.

On January 27th 2019, Richard finished the Miami Half Marathon 10 minutes under his goal time. By then, he'd lost over 100 lbs



and developed a whole new outlook on life. He keeps himself motivated, sets realistic goals for himself and surrounds himself with positive people who encourage him. What's next for Richard? He has a lot on his bucket list, but for now it is this Friday when he is participating with a team of family members at the "Ronde van Aruba". There's absolutely no limit for what you can achieve with #UAVibes.

BRINGING OUR GRADUATES HOME!

On May 24, 2019, We Connect Aruba and the University of Aruba are organizing a seminar with the aim of exploring the challenges of connecting young educated and talented people living abroad to the career opportunities that exist on the islands in particular the Aruban labor market.

And YOU are invited!

We want to achieve a better understanding of the mutual and differing goals and ambitions of the young talents and the organizations and companies that want to hire them.

Register today and connect with us on May 24th at the University of Aruba from 2 – 6pm





Universiteit
Leiden
The Netherlands



GOBIERNO DI ARUBA

Invitacion

Museo Arqueologico Nacional Aruba, NEXUS 1492,
Fundacion 1403 y Ministerio di Finanzas, Economia y
Cultura tin e honor y placer pa invita Bo person pa e
apertura y presentacion di e Exposicion Temporario



Lasonan Caribeño

Hendenan conecta, antes y awor

Dia: 22 di mei 2019

Ora: 6:30 p.m—9 p.m

Lugar: Schelpstraat 42

N O S M U C H A N A N , N O S R E S P O N S A B I L I D A D

ANOCHI INFORMATIVO TOCANTE **ABUSOSEXUAL**

Organisa pa **APG, Fundacion Lisette Gomes y Gobierno di Aruba**

LUGAR Y FECHA:

MFA PARADERA 21 di Mei 2019

MFA SANTA CRUZ 28 di Mei 2019

MFA SAVANETA 4 di Juni 2019

MFA NOORD 11 di Juni 2019

ORARIO: **7:00PM**

STOP E SILENCIO
Y BAN LANTA PA NOS MUCHANAN!



Prome Minister Evelyn Wever-Croes:

Prome Minister y famia ta desea e pueblo di Aruba un:

FELIZ DIA DI FAMILIA

“Cada famia ta un ekipo cu por enfrenta e retonan cu cada famia ta encontra”



Mundo awe ta celebra Dia di Famia. Ora cu nos ta papia di famia, di biaha nos ta ilustra den nos mente un tata, un mama, yiunan, welo y wela, omo y tantanan, nietonan. Nos ta pensa riba recuerdonan di momentonan comparti, riba fiestanan, comemento hunto tur diadomingo, biahenan hunto ta hasta riba e momentonan difisil cu cada famia ta enfrenta.

E famia ta e prome pilar di tur sociedad, e luga na unda nos ta crece y wordo forma como homber y muhenan. E famia ta e prome instituto na unda nos ta wordo educa y nos ta siña e balor y principionan moral. E famia ta e prome union na unda nos ta siña stima otro y ta forma lasonan mas profundo. E famia ta e prome ambiente na unda un mucha ta experimenta amor y ta crece cu confiansa y siguridad den un mundo demasiado agita. E famia ta e espacio unda cu e vocacion di sirbi otro, solidaridad cu otro, responsabilidad un cu otro, tolerancia, honestidad, respet y tur norma y balornan ta wordo funda y inculca. E famia ta e laso na unda cada un persona ta central.

Desde comienso di gobernacion, Gabinete Wever-Croes a dicidi di pone e ser humano central den e gobernacion aki pa asina cambia e enfoke di e desicionnan di Gobierno y pone mas enfasis riba cada persona cu ta biba riba nos isla. Prome Minister Evelyn Wever-Croes, cu esaki den mente, a declara aña 2019 como Aña di Famia y Cuido di nos Muchanan.

Riba Dia Internacional di Famia, laga nos tur brasa nos famia y haci promesanan di nobo cu nos lo cuida di otro. Como famia nos tur mester tin e meta pa e fundeshi familiar y e balornan universal engrandece y alabes haci e base entre famianan, amistadnan y colegialidad bira mas fuerte. Cada famia ta un ekipo cu por enfrenta e retonan cu cada famia ta encontra. Un fundeshi solido di un famia solido por yuda nos generacionnan bira exitoso den bida.

Prome Minister Evelyn Wever-Croes y famia ta desea e pueblo di Aruba un Feliz Dia di Famia.



GOBIERNO DI ARUBA



15 MEI 2019

E tesoro di mas grandi di un Pais
ta e union di famianan!

Feliz dia di Famia!

PREMIER EVELYN WEVER-CROES Y RDA A REUNI CU OFAC



Diamars ultimo Premier Evelyn Wever-Croes a reuni cu OFAC. El a wordo acompaña pa sra. Joselin Croes, Minister Plenipotenciario di Aruba na Washington, sr. Alvin Koolman, Director di RdA y sr. Richard Eman, Presidente di Hunta di Comisario di RdA. E reunion a bay bon y a duna mas claridad.

REHABILITACION: OFAC a informa Gobierno cu Citgo a pidi un licencia cu ainda ta den tratamiento. OFAC a aprecia e esfuersonan di Gobierno di Aruba den e proceso aki. E peticion ainda ta den proceso. Locual cu OFAC a bisa si ta cu e peticion no ta haci pa rehabilita e refineria sino pa “wind down” operation. OFAC a duna hopi claridad riba e proceso di e licencia cu lo wordo papia cu Citgo.

TERMINAL DEN MAN DI ARUBA: Den number di Gobierno Premier Evelyn Wever-Croes a indica cu negociacionnan ta andando pa asina Gobierno tuma over e terminal pa asina nos mes por controla e consumo local y pa atende e parti di transshipment. Pa esaki a keda confirma durante e reunion cu lo no tin problema cu e sancionnan y no mester di OFAC.

CONTRATISTA DI REFINERIA: Tin varios contratista di e refineria cu ta sperando pago pa nan trabounan, cu ta pega den e proceso di OFAC. Premier Evelyn Wever-Croes a splica OFAC cu ta hopi importante pa agilisa e proceso pasobra esaki ta importante pa e contratistanan local.

Den e siguiente dianan Premier Evelyn Wever-Croes lo duna mas informacion riba e reunionnan. “Mi ta hopi satisfecho cu con e reunion a bay. Nos no a soluciona e problema ainda pero nos ta riba bon caminda”, segun Premier Evelyn Wever-Croes.



Reaccionnan di bishita di trabou di Prome Minister na Washington!

Dialuna y diamars, Prome Minister tawata na Washington Merca pa un Mision Conhunto cu Embahador di Reino na Washington, sr.

Schuwer y Prome Minister di Corsou Eugene Rhuggenaath.

Prome Minister a duna di conoce cu apesar di tawata reunionnan sumamente intenso, nan tawata 16 reunionnan sumamente fructifero y positivo pa paisnan Corsou y Aruba.

Riba nan pagina social, por lesa reaccionnan positivo di algun persona cu kendenan e Premiernan a reuni.



Eugene Rhuggenaath

Yesterday at 7:01 PM • 🌐

🇺🇸 Day 2 (5) - Washington D.C.

Prime Minister Eugene Rhuggenaath #Curaçao and Prime Minister Evelyn Wever-Croes #Aruba finalized their mission today with a meeting at Capitol Hill with US Congress State



Department of State @StateD... · 13h

Under Secretary for Political Affairs Hale met with Prime Ministers Wever-Croes of #Aruba and Rhuggenaath of #Curaçao and reaffirmed our strong relationships, including our partnership to advance democracy and stability in the region amid the crisis in #Venezuela.



Luis Almagro @Almagro_OEA20... · 1d

Today I met with Prime Ministers from Aruba, Evelyn Wever-Croes and Curaçao, Eugene Rhuggenaath, to discuss the #Venezuela humanitarian crisis, the migratory effects for Caribbean countries, and the need for a broader global response to the situation. #OEAcónVzla



Bonnie Glick @USAIDBGlick · 1d

Today I met with Prime Minister of Curacao, @EugeneRhugg & Prime Minister of Aruba, @EvelynPMAruba. I had the opportunity to thank them for their work on the crisis in #Venezuela. I'm grateful for our partnership & look forward to our continued collaboration. 🇺🇸 🇵🇪 🇮🇶





GOBIERNO DI *ARUBA*

*un
Feliz Dia*

ISLAONLINE
PA INFORMACION
CORECTO Y BERDAD